



環翠平堂精訂陳

高士里藏板



大聲梨雲寄傲

精訂陳大聲梨雲寄傲

樂府詩之要必而調諧律呂字以

陰陽較訪之實難為之至以詩款

為曲款在十常八九竟不知

出款之不可假借於詩款也

況平樂先生之詩之得矣自全



元述系

因家以有不出名者正慮子不守  
乃二三字逸去按拍花前兩系  
教坊彈絲枵琴總一聞口便度  
流火新了諸出真台德者神  
動色飛此何以故以火新了

之款蒙而意新聲婉而音殺  
至然人情描寫物態有  
發為人所未及在何元朗所至  
種協王元美狀其為行生  
知言來所全集人多於見  
情望以若本新都已如汪使




君手自校訂付之剞劂為海  
內一快心多美且昌朝博雅多能  
尤長於聲律其所以撰樂府  
數十種一以匡大弊一以  
正經世藉過之以彼臭味之  
投因宜不憚心力俾至美而  
傳之貴

音者取是集與環翠亭堂  
稿並玩之三月風雅而可想見  
乎

萬曆歲在昭陽大潤獻上巳  
日中順大夫知江西瑞州府  
事友人湯有光相撰



同社朱銘書



汪昌朝精訂陳大聲全集序



汪齋使昌朝開園松蘿山下吞  
煙霞而弄湖水胸中灑灑不染  
一塵究心三教之餘時或游戲  
詩賦詞曲以及風雅者歸其標  
格豪俠者重其意氣菁華者愛



其詞章慷慨去推其直諫不佞  
因是以納交于昌朝昌朝且與  
不佞稱莫逆矣昌朝觸事即景  
輒度新聲纔四易寒暑已成樂  
府數十種不佞讀之見其清音  
亮節綽然柔情恍若有神解焉

者此雖昌朝才情贍哉而究所  
從入則得于陳侯大聲者居多  
也大聲金陵將家子生當弘正  
昇平之世乃以詞曲鼓吹休明  
直闖金元作者之潤奧其所著  
有梨雲可雪月香納錦郎諸稿




而滑稽餘韻太平樂事則又妙  
極俳諧令人絕倒大都流麗清  
圓豐藻綿密事盡而思不乏趣  
言淡而情弥刺骨以彼作手豈  
獨為 昭代白眉哉前無古人  
矣昌朝不及與侯生同其時日

取遺編徬佯湖山之際不覺有  
心領而神會者固宜著作之富  
直與大聲照映後先也昌朝不  
忍大聲諸作散逸無統乃手自  
訂彙而更以詩詞二韻並草堂  
餘意附刻之則知環翠稿中所



載某宮用某顏不少混淆者其  
體裁皆有所本也梓成予並表  
章之

侯官友弟曹學倫顏首暮



刻陳大聲全集自序



曲雖小技乎摹寫人情添繪物  
采實為有聲之畫所忌微獨鄙  
俚而不馴亦恐饒洽而太晦即  
雅俗並陳矣倘律韻少舛其于  
合作無當也蓋律以定調韻以  
辯聲律不叶則拂于板韻不諧



則噎於喉詞隱先生極意釐正  
良苦心哉不佞于此技未窺一  
斑私心酷好之金元作者尚矣  
于

昭代獨北面陳大聲氏大聲以  
簪纓世家生當江左風流之地  
陶瀉襟抱恣吐才華布景傳情

動成美善其所著若梨雲寄傲  
若可雪遺編若月香小稿若納  
錦郎傳奇若滑稽餘韻若太平  
樂事長篇短令無不使人解頤  
揔之其韻嚴其響和其節舒詞  
秀而易晰音諧而易按言言蒜  
酪更復擅場借使騷雅屬耳擊



節賞音里人聞之亦且心醉其  
真詞壇之鼓吹而俳諧之傑霸  
乎不佞每對蘿月湖雲手取數  
闋長謳一過神思飛越竟不知  
此身在人間世也第原刻不善  
日久益復糝糊乃自精訂授之  
剞劂而並以草堂餘意詩詞二  
韻附其後庶作者知詩與詞各  
自為韻不得以己意相假借也  
若九宮之辯具載涵虛子幼平  
甫二譜中不佞何庸贅  
嘗

萬曆辛亥仲春月上浣

新都無如汪廷訥序





宗人汪景漫書



坐隱先生精訂梨雲寄傲目錄

套數

北中呂粉蝶兒

萬卷圖書

富文堂識賞

南黃鍾畫眉序

花月滿春城

元夜

南仙呂一封書犯

池冰泮乍煖

春詞

北正宮端正好

珊枕畔麝蘭香

春情

精訂梨雲寄傲目錄

環翠堂



北雙調新水令

碧桃花外一聲鐘

春情

枕痕一線粉香殘

春怨

南南呂香遍滿

因他消瘦

春怨

北雙調夜行船

減盡容光知為誰

離恨

南錦庭樂

被兒餘枕兒單春寒較添春怨

北南呂一枝花

正楊柳成陰覆短牆

夏日秋碧軒卽景寫懷

北黃鍾醉花陰

楊柳橫塘淡烟鎖

夏日卽景寫懷

南中呂好事近

堯的上心來

怨別

北黃鍾醉花陰

破鏡重圓帶重結

復懽

北雙調新水令

綠楊溪上木蘭橈

哭萬柳溪

白蘋風細一絲輕

漁隱



北商調集賢賓

鎖窗寒井梧秋到早

秋懷

憶吹簫玉人何處也

秋懷

北黃鍾醉花陰

窗外芭蕉戰秋雨

秋懷

南雙調十二紅

伴孤燈三更情況

閨怨

北南呂一枝花

清光亂乳鴉

詠月

天空碧水澄

賞重九

嬌滴滴千金玉體輕

懷妓

新栽數畝瓜

樂閑

離匣星斗寒

詠劍

事詞章舊有名

自述

常尋灞岸梅

樂閑

北越調鬪鶴鶉

伴了些珠履瓊簪

勸子弟收心

北中呂粉蝶兒

冷雨梧桐

效楊景言一點情牽體

三弄梅花

冬閨怨別



北越調鬪鶴鶉

靜沉沉繡戶重關

賞雪

小令

北鴈兒落帶過得勝令

贈隱士 二首

春情 二首

北脫布衫帶過小梁州

贈妓

南二犯江兒水

閨怨 四首

北小梁州

漁隱 四首

閨情 十二首

詠燕子

鞦韆

聞杜宇

南一江風

閨怨 四首

北折桂令

青樓十詠

風情

怨別

艸堂寫興 二首

幽居協韻

閨情 二首

南普天樂



題情 四首

南嬌鶯兒

題情 四首

北梧葉兒

詠香閨十事

詠觀音奴

北醉太平

春夜小集

北一半兒

秋日過隱居

北清江引

秋夜 二首

南醉羅歌

題情 八首

北朝天子

漁家 六首

歸隱 六首

江上別意

南鎖南枝

風情 四首

北水仙子

詠妓泥人兒

有所思

清江采雲寄友



嘲風月 二首

詠素香囊

南駐雲飛

春情集古 四首

夏景

北沉醉東風

詠崔鶯鶯 六首

贈僧 二首

閑情用轉應體 三首

離情用轉應體 二首

詠牡丹

詠花柳用轉應體

詠骷髏笛

詠蚤蚤

詠桃花比妓

花月志感

溪隱

春遊

自述 二首

秋夜

閨怨 二首

北寨兒令

贈別 二首

北滿庭芳

行舟五詠

贈友

北落梅風

風情

閨怨 三首

詠竹

詠芭蕉

草堂

寫興



詠背面美人

客舟

坐隱先生精訂梨雲寄傲

套數


富文堂燕賞

北中呂粉蝶兒 萬卷圖書錦亭臺鬧花深處值

清朝事簡公餘寵光深人物勝德星相聚坐客無虛  
要平收午橋佳趣

南泣顏回 談笑有鴻儒盡是文章儔侶綸巾布筆

交叅紫綬華裾飛觥走竿看笙歌羅列尊罍具樂陶  
陶景媚時良閑邀邀體廣情舒



新都環翠堂戲板



北賽鴻秋 到春來策吟筇。剛詠徹梅花句。喜春和  
試羅裳。閑倚遍闌干。玉趺春晴。縱青鞋慢踏。損蒼苔  
綠。恐春深下珠簾。不放入垂楊絮。無意送春歸。有意  
留春住。分付杜鵑聲。省可里催春去。

南普天樂 繡圍遮銀屏護。芳草徑天桃塢。好相看  
照眼芳菲。怕甚麼妬花風雨。幾番痛飲。西園暮。兩行  
紗籠燒銀燭。海棠風蕩漾。紅綃薔薇露。點滴明珠。有  
清油小蓋。畫壁輕車。

北脫布衫帶過小梁州 鬧雕楹燕子鶯雛。點清池  
睡鴨飛鳧。紅萱草芳莖半吐。紫丁香細心微露。○坐  
對南薰倒玉壺。細切菖蒲。荷花十里錦雲鋪。聽一片  
笙歌度。風月賽西湖。○蟬聲兩兩鳴高樹。夢初回碧  
簾紗。懶閑將綠綺彈。靜把黃庭註。蘭湯新浴。長日一  
塵無。

南鴈過聲 規模潭潭相府。堪寫入王維畫譜。水沉  
一縷。博香霧。笑三閭傲陶朱。正好懷寬放。吟骨清臞。  
汲泉煮茗。調冰雪藕。納涼揮塵。把人間一時煩惱盡  
消除。

北醉太平 恰金風送暑。早玉露滴梧。碧天涼冷鴈  
來初。與知音四五。駕長風。捉下天邊兔。學長鯨。吸盡



杯中物。弄長竿。掣得水中魚。任狂歌怪舞。

南傾杯樂 須臾十日霜。幾夜風催綻。東籬菊。砌湧層巒。泉飛靈竇。橋橫幽洞。門俯清渠。賦成鸚鵡。杯傾醴醕。又何須登高戲馬。憶東徐。

北貨郎兒犯 寒不到重簾深戶。錦片似攏輪低鞞。簾鈎十二控珊瑚。下着錦帳。擁着紅爐。對着玳筵前粉。一攢花。一簇棒。着羊羔。斟着馬乳。勸着瓊酥。有繁絃急管。每分曹部。演呈祥獻壽。梨園這詞賦。吹的吹。彈的彈。教習得精熟。翡翠鐺。瀟龍團。鳳餅壓盡陶穀。氣昂昂。居着清要。名赫赫。執着金吾。安享昇平無限福。

南小桃紅 侍 虞廷陳禪補。入洛社論今古。虎帳談兵。嚴法令施。鎮撫古來幾箇。文兼武。眼前那有清而富。那堪謙德通疎。

北伴讀書 簡書文半逼蘇。詩律法全學杜。走蚓驚蛇。寫一筆唐懷素。好奇觀雅。玩娛心目。有商彝周鼎。多陳布。所事俱足。

南普賢歌 遍江山古跡圖。總金石名賢錄。博考索精求募。看金甌名姓覆。專闡計請兵符。統雄卒運奇謀。破妖胡獻降俘。試看他拜將封侯。談笑取。



熬尾 堂須造。盟可續。本是騷壇放浪徒。豈待公孫折簡呼。

元夜

南黃鐘畫眉序 花月滿春城。燈火輝煌。月華明。看人間。幻出閨苑。蓬瀛。花燈燦表裏。冰壺明月。映團圓。金鏡合帝京。正值元宵令。謳歌五穀豐登。

前腔 簫鼓動春聲。綵結鼇山。謾施逞。看雲鬟翠袖。嬈娜娉婷。人叢裏。素手相攜。燈影下。香肩相並。合前

神仗兒 良辰美景。良辰美景。燈月千門。烟花萬井。彩樓珠樓相稱。有鬧竿百尺。倒掛絨繩。高點起萬枝。燈似落下滿天星。

前腔 燈兒有名。燈兒有名。下下高高。齊齊整整。一盞牡丹。羣花簇定。更芙蓉。菡萏。碧桃紅杏。金蓮沼水。澄澄。琉璃塔。焰騰騰。

滴溜子 梅花燈。梅花燈。暗香踈影。雪花燈。雪花燈。玉潔水清。繡毬同心。方勝流蘇。絡索垂。撒花蓋頂。傑閣重樓。千層萬層。

前腔 魚龍燈。魚龍燈。影動畫屏。觀音燈。觀音燈。柳枝淨瓶。巧粧諸佛。諸聖光明。火焰中。神通大逞。三教百工。行行等等。



鮑老催 日華月精。金雞玉兔裁剪成。雲霄望處鐘  
鼓鳴。燈花爛。燈影斜。燈光暎。圓燈宛轉。方燈正。畫燈  
五彩紗。燈淨。火傘兒紅油柄。

前腔 虎燈象燈。鴛燈鷺燈。都像生。蝦燈蟹燈。都像  
形。羅綺叢。錦繡圍。笙歌競。佳人繡轂穿芳徑。王孫寶  
馬敲金鐙。堪寫入丹青幘。

雙聲子 人歡慶。人歡慶。預把佳期定。酒謾行。酒謾  
行。擺列華筵盛。奏錦箏。奏錦箏。和鳳笙。和鳳笙。任醺  
醺。那管夜闌人靜。

前腔 宜春令。宜春令。巧剪金花勝。烟靄輕。烟靄輕。  
香裊黃金鼎。碧漢傾。碧漢傾。斗柄橫。斗柄橫。任醺醺。  
那管夜闌人靜。

尾聲 盤桓且盡今宵興。托賴着吾 皇聖明。歲歲  
年年賀太平。

春詞

南仙呂一封書犯 池水泮乍煖。小梅枝春尚淺。東  
風正峭軟。受餘寒。簾半捲。菜簇青絲。纖手送。剪就金  
花媚。綺筵花燈正懸。酒杯漫傳。燈列星橋。酒似泉。杯  
深勸。歌漫演。星球高轉。舞腰旋。魚初躍。鶯乍囀。半晴  
半雨。養花天。



皂羅袍犯 閑望誰家庭院。向亂紅深處。送出鞦韆。彩繩高掛。綠楊烟。金蓮顛倒。空中現。王孫墻外。暫停錦鞦。佳人墻裏。雙凭玉肩。無情半晌。空留戀。逢歡處。衣笑典。一春常費。買花錢。駢珠翠。雜管絃。玉樓人醉。杏花天。

大河鱗犯 寶馬青衫。裊玉鞭。花枝重。帽簷偏。十里湖光。平似掌。草茵青展。留與遊人醉。時眠。斜陽下。歸路遠。銅鞮齊唱。馬頭前。尋春事。到水邊。樓船人坐鏡中天。

樂安神犯 蝶愁蜂怨。東皇容易。老盡芳妍。落花臺榭。有啼鶯。輕風巷陌。飛雛燕。一刻休虛度。秉燭向西園。醉後重開宴。詩頻詠。髭笑撚。清狂俱是。飲中仙。春歸去。最可憐。楊花偷莢。自漫天。

尾聲 試霜毫。臨端硯。好吟詩句。記流年。覓取鷺溪十丈箋。

春情

北正宮端正好 珊枕畔麝蘭香。羅帕上鴛鴦字。引的人無明夜。坐想眠思。不付能遂了。今生志。又惹起。閑愁至。

滾繡球 想着那抱銀箏寫怨詞。並香肩詠柳枝。我爲



他朋友中受了那許多譏刺。他為我母親行惹的來常是參差。他為我針指上繖了半年。我為他筆硯上踈了許時。他敬我勝敬似飽文章。玉堂學士。我愛他更愛如擅風流。金屋嬌姿。撇不的他腰欺楊柳風前態。忘不的他口吐丁香枕上私。眼底何之。

倘秀才 一箇是善歌舞梨園教師。一箇是知律呂蘇

州刺史。端的是才子佳人信有之。一箇懷春消粉暈。

一箇想像廢神思。不分箇彼此。

滾繡毬 好恩情半霎兒惡。愁腸十二時。幾番家東

帖兒上錯。偷了名字。有時節卦爻兒中倒。點了干支。

減何郎鏡裏容。添潘岳鬢上絲。怕姨夫爭怕似出柙

虎兇。恨虔婆更恨如當道蛇兒。往常時種成合璧藍

田玉。今日也砍倒栖鸞翠竹枝。展轉嗟咨。

倘秀才 我為他寄相思。寄到有百來篇小詞。他為我

寫離恨。寫到有千來張大紙。到如今都做了無打斷

春蚕口內絲。約期在明月館。設誓在海神祠。虛勞了

口齒。

叨叨令

性踈狂播滿烟花市。病風流害損青雲志。

思模糊懶寫蘭亭字。瘦伶仃羞看羅衫袵。兀的不想

殺人也麼哥。路迢迢無箇人傳示。



脫布衫常想着喜春晴步蒼苔輕逐遊絲動春心倚  
雕闌咲撚花枝怯春寒下珠簾羞看燕子訴春愁寄  
花箋暗央蝶使。

小梁州咱兩箇一煞相逢萬種思留意孜孜鞦韆庭  
院晚涼時傳心事撇下繡鞋兒

么篇這姻緣不讓蒲東寺想鶯鶯未必如斯也曾向  
月底潛也曾向花邊候雨雲情思都做了斷腸詞

尾聲今日也愁着風怕着雨青衫血淚應常漬幾時  
得並着肩攜着手玉鏡鉛華恰再施撥雨撩雲又如

是咏月嘲風舊相似看香裊金爐篆一絲喜梅印紗  
牕影半枝何粉韓香得重賜破鏡分釵得重視吐

玉噴珠那才思展說地談天那胸次將翠幙雲屏更  
設施把錦帳鴛衾重鋪肆說海誓山盟舊日思遂倚

翠偎紅少年事解合歡帶兒鬆同心結子還記得喘  
吁吁立不定燈前那一箇人

春情

北雙調新水令 碧桃花外一聲鐘繡衾寒喚回春

夢香消金獸冷花落翠屏空雨雨風風攔斷的病兒  
重

駐馬聽 帶結頻鬆瘦骨不禁愁冗冗眉峰難縱黛



精言秀雲寄傷  
蛾深鎖恨重重。瑤臺人遠信勞鴻。彩雲聲斷簫閑鳳。  
惡相思千萬種。百般難把愁來送。

鴈兒落冷落了春風銅雀宮。間阻了夜雨陽臺夢。關  
珊了停雲燕子樓。寂寞了流水桃源洞。

得勝令單守着四扇矮屏風。三尺舊絲桐。總費囊中  
藥。全消鏡裏容。簾櫳步月無人共。花叢尋春誰與同。

川撥棹我這里恨匆匆。晝偏長更又永。許多時歌歌  
梧桐帳冷芙蓉。酒盡瑤觥不見了紅圍翠擁。望藍橋  
無路通。

七弟兄對着這落紅舞風畫欄東。怯餘寒簾欵金鈎  
控。寄閑情琴在錦囊封。搵啼痕袖濕瓊珠迸。

梅花酒減崔徽畫裏容。怕曉角昏鐘。恨芳艸青驄  
怪浪蝶狂蜂。秋來呵江上別。花落也未相逢。又不知

吉與凶。我則索含着淚告蒼穹。陪着咲問青銅。側着  
耳聽歸鴻。絨着口怨東風。

收江南呀。恹恹不比舊時同。綠窓針線廢春工。殘雲  
剩雨自西東。全無有定踪。巫山十二總成空。

春怨

北雙調新水令枕痕一線粉香殘。寶釵橫綠雲低  
驪。粧慵鸞鏡掩。人遠鳳衾單。悶倚闌干。無語幾長歎。



駐馬聽 蝶戀蜂儂。芳草天涯春事晚。鶯慵燕懶。杏花簾幙。雨聲寒。秦樓寂寞。玉簫閑。楚臺容易朝雲散。乍離別。經這番。恁般懊惱。誰曾慣。

喬牌兒 行時思。坐不安。所事兒怕干犯。多情反受風流難。舊愁積。新恨償。

鴈兒落 翠減了。修眉柳葉彎。香銷了。嬌臉桃花瓣。寬褪了。纖腰翡翠裙。鬆綽了。縷帶鮫鮪襖。

得勝令 自從那花底唱陽關。柳下送征鞍。經了些夜月孤幃靜。望不見天涯一鴈還。看看業眼兒熬清旦。潸潸淚珠兒落夜闌。

甜水令 常記的白雪輕謳。金杯滿泛。紅牙低按。私語燭花殘。到如今好夢全無。佳期易阻。相思成患。平白的廢寢忘餐。

折桂令 望藍橋遠似三山。烟水茫茫。道路艱難。瓶墜簪折。風酸月苦。雨澁雲慳。長攬攬連理樹。柔條盡剷。礮可可比。目魚活水將乾。他性格奸頑。不寄平安。章臺柳恣意留連。蟾宮桂未許躋攀。

隨煞 怕的是無情歲月相催儂。容易去何年重返。賈充宅韓椽見應難。天台路劉郎到來晚。

春怨



南南呂香遍滿。因他消瘦。春來見花真個羞。羞問  
花時還問柳。柳條嬌且柔。絲絲不綰愁。幾回暗點頭。  
似嗔我眉兒皺。

懶畫眉。無情歲月去如流。有限姻緣不到頭。慊慊  
鬼病幾時休。繡戶輕寒透。十二珠簾不上鈎。

二犯梧桐樹。黃鶯似喚儔。紫燕如呼友。浪蝶狂蜂。  
對對還尋偶。無端故把人儂憊。一片身心如何教我  
得自由。梨花細雨黃昏後。靜掩重門。只與燈兒厮守。  
浣溪沙。我容貌嬌。他年紀幼。那時節兩意相投。琴心  
宛轉頻挑鬪。詩謎包籠幾和酬。他去久。有些個風聲  
兒未真實。見人須問個因由。

劉涿帽。浪遊那里青驄驟。向吳姬賣酒壚頭。烏絲  
醉寫。偎紅袖。厮逗遛。一霎兒渾忘舊。

秋夜月。恩變做讐。頓忘了神前呪。耳畔盟言皆虛  
謬。將他作念他知否。他待要罷手。我何曾下口。

東甌令。難消悶。怎忘憂。抱得秦箏上翠樓。絃聲曲  
意皆非舊。淚濕了春衫袖。青山疊疊水悠悠。何處問  
歸舟。

金蓮子。表記留。香羅半幅詩一首。做一個香囊兒  
繫收。怕見那繡鴛鴦。一雙雙交頸睡沙頭。



尾聲 等待他來時候。薰香重整舊衾裯。往事從前一筆勾。

離恨

北雙調夜行船 減盡容光知爲誰。可憐少個人知。清夜鴛衾。黃昏羅袖。湮透幾多珠淚。

新水令 當時信口說別離。臨行話兒牢記。他道一句句不那移。曾有半字兒真實。把些神前呪做了小兒戲。

落梅風 鬆金釧。減玉肌。剛去了兩朝三日。到如今恰纔心上悔。悔時節又難尋覓。

風入松 含情只是苦攢眉。羞對外人題。題來反惹傷人議。柔腸萬轉千迴。自古書生無信。書生口是心非。

撥不斷 錦鱗稀。塞鴻遲。花箋誰與情傳遞。彩毫還將恨纂集。回文自把愁紵砌。空望斷碧雲天際。

離亭宴帶歇拍煞 薄情盡改初交意。痴心好看傷州例。所事兒慵拈怕理。鳳分飛羞把紫釵看。鸞吊影怕將青鏡照。燕無情枉用紅絲繫。叅不透懵懂禪。猜不破風流謎。料不定浮踪浪跡。追隨着飛絮漫顛狂。

迷戀着野花多艷色。啗題着苦李無滋味。數番將著

青丁果雲寄教



草占幾遍把靈龜筮都道是先憂後喜相思債索勾  
消則俺這淒涼事怕題起

春怨

南錦庭樂 被兒餘枕兒單春寒較添夜雨響空簷  
曉來呵殘紅滿簾更那看掩重門對鶯花鬼病恹恹  
這病危如燈焰這恨深如天塹病和愁兩厮兼病當  
心坎愁在眉尖

前腔 錦鱗稀塞鴻遙書沉信淹江樹眼空瞻怯梳  
粧塵緘寶奩常則是倚闌干數歸程屈損春纖霧帳  
雲屏虛占海誓山盟無驗針和線懶去拈靈犀一點

無計拘鉗

前腔 憶王孫乍交歡厖投意快永遠效鸚鵡自離  
家新生棄嫌料應他在天涯被秦樓歌管相漸金粉  
花容嬌艷血色羅裙紅髮美甘甘笑語甜未知將我  
唇上會沾

前腔 影伶仃竚蒼苔鮫綃淚黏無語對銀蟾映孤  
燈蕭蕭短簷幾回價寄佳音怕人知躲躲潛潛是則  
是前生少欠苦則苦終常作念把恩情作了水底鹽  
羊腸龜卦今後休占

餘音 春閨有日來雙漸相逢一笑兩謙謙玉簿姻



緣許再僉。

夏日秋碧軒即景寫懷

北南呂一枝花 正楊柳成陰覆短牆。恰茶蘼噴雪

迷深巷。纔荷葉弄青浮水面。又芭蕉分綠上晴窗。窄

窄書房。自一種清閑况。小壺天詩酒鄉。舞青衣童子

雙雙。歌白雪佳人兩兩。

梁州第七 清泠泠溪泉漱玉。細茸茸庭草生香。幾

般兒陳設多奇壯。刻獸面南金篆鼎。碾羊脂郢玉壺

觴。展魚浪蘄藤榻。簾織龜紋蜀錦琴囊。樂天真頗類

羲皇。友金蘭不比高陽。有時節撚吟髭俯雕闌聽枝

上鳴蟬。有時節敞吟袍揮羽扇。納風前晚涼。有時節

倚吟屏鈎湘簾看雨後山光。鎮常見訪。都是些布衣

詞客儒林相。那踈狂那豪放。醉倒青樽送日長。品藻

與亡。

煞尾 論奢華評富貴休題太尉銷金帳。數清標誇

雅淡絕勝裴公綠野堂。端的是半點紅塵不容傍。或

是寫黃庭幾行。或是詠離騷半晌。一任他世事榮枯

似番掌。

夏日即景寫懷

北黃鐘醉花陰 楊柳橫塘淡烟鎖。嬌滴滴芙蓉萬



精言梨雲寄佛  
采微雨過晚涼多。蟬咽庭柯。午夢方驚覺。重洗盞泛  
金波。細細南薰透輕葛。

喜遷鶯 少年行樂。好光陰暗裏經過。量度想歡會  
人生幾何。六代遺宮草樹多。眼見的都證果。江山依  
舊。人物消磨。

出隊子 與知音幾箇。得清閑非小可。者麼你重裊  
列鼎更如何。積玉堆金待怎麼。則俺把利鎖名韉都  
頓脫。

刮地風 有時節放一箇小蘭舟隨處泊。買娉婷二八  
秦娥碧荷筒旋折。傾香糯。痛飲狂歌。只喫的雕盤上  
彩雲零落。羅帕上酒痕湮污。花一攢錦一簇玉人滿  
座。小壺天風月窩。全不受禮法拘縛。紫檀槽一曲笙  
簫佐。吹撥喜宮商樂韻和。

四門子 玉山頽纖手雙扶過。困騰騰眼待合。將象  
管來拈。把好句來哦。撚吟髭半將衫袖躡。撒一會沁  
打一會賸。要認的周郎是我。

古水仙子 來來來自忖度。罷罷罷恐青鏡流年兩  
鬢皤。將將將愁布袋丟開。把把把悶葫蘆摔破。呀呀  
呀落些兒閑快活。休休休走紅塵萬丈風波。喜喜喜  
縱踈狂醉中天地濶。我我我不干求到底無災禍。他



精言...  
他他進步是非多。

尾聲非是我。殢酒淹花。性慵惰。怕的是。日月飛梭。一任教。不知機。世人嫉妬我。

### 怨別

南中呂好事近。兜的上心來。教人難想難猜。同心羅帶。平空的兩下分開。傷懷。舊日香囊猶在。詩中意。寫得明白。歸期。一年半載。筭程途咫尺。音信全乖。

### 錦纏道

托香腮。懶梳粧。慵臨鏡。臺無語。自裁劃。正芳年。又不道的。色減容衰。怎知他。前言盡改。咱須是暫時寧耐。歲月好難捱。孤辰寡宿。時該命。又該不索長吁氣。負心人。天自有安排。

### 普天樂

畫欄前。湖山外。見月也。深深拜。月圓時。人未團圓。望蒼穹。鑒察憐哀。郎心是反。把些溫香軟玉。做了糞土塵埋。

### 古輪臺

恨多才。萍踪浪跡。寄天涯。繡幃錦帳。春風夜。許多恩愛。豈料如今。番成破鏡。分釵。剌雨殘雲。等閑消盡。是誰別壘。楚陽臺。有傾城嬌態。把從前誓海盟山。冰消瓦解。忘餐廢寢。竟勞夢斷。肌骨瘦如柴。慙慙害。花月也。總沉埋。

### 尾聲

黃昏更是無聊賴。愁倚定薰籠半側。羞見燈



花一穗開。

復歡

北黃鐘醉花陰 破鏡重圓帶重結。拈碎了鸞釵再  
截。誰承望又和誰。眼角眉睫。剛得閑愁卸。這一段惡  
離別。及至相逢細分說。

喜遷鶯

孤眠昨夜。傷紗窗梅影橫斜。重疊庭月小  
微雲半遮。幾件淒涼。厮轉者。百般的難睡也。鎖不住  
春心蕩漾。當不過夢境隨邪。

出隊子

是前生冤業。怎教人相棄捨。又被那醫不  
活害不灰病也斜。把不定拿不住恨轉發。擡不起放  
不倒身瘦怯。

前腔

對踈星殘月。自含情誰共說。空將那辯吉凶  
著草數番揲。無靈驗羊腸幾遍擦。托幽思花殘不次  
寫。

刮地風

將一箇難打捱時光。剛過徹。費盡了多少週

折實不丕兩地擔驚業。

幾會得半晌寧貼。我寫他看

不的花開花謝。

他爲我見不的燈昏燈滅。茶不茶飯

不飯無明無夜病。和疾添上些。怎當他六國喉舌。越

間阻剗地越疼熱。志誠心堅似鐵。

四門子

半年來冷落讀書舍。望天涯道路賒。音信



又稀。風景又別。枕邊言。百般難忘者。一會似痴。一會似呆。漬滿了青衫淚血。

古水仙子呀呀呀好姻緣不斷絕。喜喜喜重領了合

同風月牒。准准准尾生橋再駕橫梁。敢敢敢韓王殿

還與臺榭來來來香仍偷。玉更竊。罷罷罷收拾起往

日咨嗟。將將將滿懷愁恁時都告撒。把把把鎖春寒

錦被熏蘭麝。是是是連理樹未曾折。

尾聲繞見分携又懽悅。訴不盡往事重疊。一件件

一樁樁在畫屏上寫。

哭萬柳溪

北雙調新水令綠楊溪上木蘭橈。再不見短簑垂

釣。淡烟橫斷渚。落日送殘潮。門巷寥寥。有幾點晚鴉

噪。

駐馬聽破屋蕭條蕙帳香消春夢杳。旅魂零落。青

鸞書斷海天遙。苔痕綠遍雨中橋。蠹魚蝕盡床頭藁。

喪斯文何太早。故知修短由天道。

鴈兒落他也會把辭金鮑叔交。將養客田文咲。逼豪

吟杜甫狂。類種菊陶潛傲。

得勝令呀腰不折時髦。眼不顧兒曹。他也會解劍酬

佳士無錢賣錦袍。清高守陋巷。簞瓢樂。風騷放乾坤



詩酒豪。

水仙子

他丹陽市上怕吹簫。七里灘頭不釣鰲。磻溪

岸側曾辭詔。貧則貧長落魄。更有那三般兒命裡何

薄。身未老囊金消盡。家已破山妻喪了。子無成惡限

逢着。

沉醉東風

吐珠玉詞葩俊巧。抱松筠志節堅牢。閒

騎驢背吟醉。買吳娃笑盡。畚成烟雨蕭蕭。回首江東

故國遙。誰肯把椒漿酌倒。

離亭宴煞

從今後扁舟一葉間。紅蓼孤墳三尺埋秋

草。重泉怎招罷。鷗鷺水邊盟。負鶯花郊外景。失雞黍

樽前約。英魂喚不醒。長夜何時覺。淒涼此宵。饑鼠攬

空梁。野鳥啼老樹。缺月穿虛幕。孤燈慘復明。兒女悲

還叫。您若是雄心未消。把一段不平懷。向俺夢兒託

漁隱

北雙調新水令

白蘋風細。一絲輕。傍疎林把釣船

掩映。脫離麟鳳網。相與鷺鷗盟。自咲生平。趁滄海隱

名姓。

駐馬聽

月小潮平。紅蓼灘頭秋水冷。天空雲靜。夕

陽江上亂峰青。一蓑全却子陵名。五湖救了鴟夷命。

塵勞事不聽。龍蛇一任相吞併。



鴈兒落咲他每干時的欠老成。叩諫的忒直正。堆金的少見識。拜將的多僥倖。

得勝令呀。爭如我夢不到虞廷。情頗類間僧。我這里羌管風前弄。勝似您朝鐘馬上聽。閒評成敗事。明如鏡。頻驚功名心冷似冰。

沉醉東風聽夜雨孤篷酒醒。散晨炊小爨烟青。久居在雲水鄉。堪寫入瀟湘湄。傲三台入座簪纓。款乃歌殘四五聲。那里也重裊列鼎。

折桂令數十年泛梗漂萍。簑笠生涯。湖海閒情。向鷺外收綸。船頭晒網。柳底聽鶯。有時節泛流水桃花

武陵有時節泊淡烟芳草石城。濯足濯纓。醒後三閭醉裡劉伶。

離亭宴煞放懷薰染巢由性。甘貧不害膏梁病。堪嗟廢興。天喪了石崇財。時催了韓信壽。土蓋了曹瞞佞。榮華自不長。烏兔何曾定。忘形那清身不受紫泥宣。手怕拏白象簡。脚厭履紅塵徑。酒教稚子醺。歌喜山妻聽。常吃到星河半傾。臥楊柳。月輪孤。擁蘆花被兒冷。

秋懷

北商調集賢賓鎖窗寒并梧秋到早。霜月小粉墻



高說離思。皆前蟋蟀。鬧西風。枕上芭蕉。鎖不住。戰兢兢。一點靈犀。盼不到。黑沉沉。百尺藍橋。這些時。玉精神。為花消瘦了。害的來。難畫難描。我把他。聲音兒。愁記起。模樣兒。怕提着。

逍遙樂 于飛方效。間阻尤多。歡娛較少。昨日今朝。笑青銅。兩鬢蕭騷。萬種淒涼。厮轉着。折挫殺。多愁沈約。怨了些。鴛鴦帳。冷鸚鵡。杯空翡翠衾薄。

金菊香 往常時。花香春店。馬聲嬌。今日箇。雲暝秋江。鴈影遙。夢難成。幾番直到曉。四壁寥寥。燈焰短。篆烟消。

醋葫蘆 常記得。透疎簾。月半明。掩重門。人漸悄。正嬌雲低。壓海棠。稍我和他。既相知。恨不曾。相見早。他燭

花前將。錦箏來。斜抱。刻的又。背着人。偷用眼兒瞧。

前腔 他也會。病恹恹。只自擔。瘦亭亭。難自保。他也會。怕人知。常帶幾分囂。他也會。擲金錢。數番花下禱。他

也曾。直等到。星移月落。他也會。倚闌干。劃損掠兒稍。前腔 我和他。對着神。將海誓言。我和他。並着肩。將眉

黛掃。有時節。把陽春。一字字。細推敲。他和我。說私情。一說一箇。天大曉。不離了。相偎相抱。他見我。霎時間

無語。便把話兒嘲。



前腔他雖無甚麼傾國妍他雖無甚麼出類好似這

等知人的情性最難學但見呵或是忙或是遲或是

早那里有半星兒違拗多應是我心他意兩投着

前腔他道我和你心同魚水諧情隨天地老你休要

見垂楊又去折柔條他道是既綢繆祗宜相會少只

恐怕燕鶯知道他也曾抵牙兒幾度費量度

梧葉兒今日也鳳去秦樓迴鴻稀漢苑遙雲散楚山

高他指冷箏閑鴈我屏寒扇掩蕉剛間隔幾昏朝出

趨的把秋光過了

後庭花又不是綠牕前花謝早又不是瑤琴上絃斷

了又不是青鳥音書滯又不是銀河風浪惡止不過

暫相拋陡恁的求神服藥跳梭梭肉似挑急煎煎身

似燒生疎了月底簫闌珊了窓下稿茶飯又不是麼

調夢兒又不大箇好

青歌兒呀這病兒千方千方難療百般百般不效聽

了些花漏沉沉夜轉迢寒透珠箔燈燼蘭膏風鬧簷

鐸露滴松梢歎今宵別樣好難熬眼睜睜不到雞

兒叫浪來裡煞他存心豈是薄我留情非道少駕車的

終久會題橋破菱花等閑重鞦韆却成就了錦堂歡樂



把相思一擔擔兒拋。

### 秋懷

北商調集賢賓 憶吹簫玉人何處也。今夜病較添  
些。白露冷秋蓮香謝。粉墻低皓月光斜。止不過暫時  
間鏡破釵分。到勝似數十年信斷音絕。對西風倚樓  
空自嗟。望不斷嶺樹重疊。怕的是流光奔去馬。鴈陣  
擺長蛇。

### 逍遙樂

歡娛前夜喜報燈花香生帶結。剛得箇和

協。誰承望又早離別。

常記得相靠相偎。咲語喋。畫堂

中那日驕奢。受用些尊中綠蟻。扇底紅牙。枕上蝴蝶。

### 醋葫蘆

我和他初相逢。臉帶羞。乍交歡。心尚怯。半粧

醒半粧醉半粧。呆兩情濃到今難棄捨。錦帳鴛衾纔  
方溫熱。把一枝鳳凰簪拈做兩三截。

### 前腔

我爲他挑着燈。將好句裁。背着人將心事說。直

等到碧梧窗外影兒斜。惜花心怕將春漏泄。步蒼苔  
脚尖來輕躡。露珠兒常污了踏青靴。

### 前腔

我爲他朋情上將謊話兒丟。他爲我母親行將

喬樣兒者。我爲他在家中費盡了巧喉舌。他爲我褪  
湘裙。杜鵑花上血。我爲他耳輪兒常熱。他爲我面皮  
紅羞把扇兒遮。



梧葉兒一箇是相府內懷春女。一箇是君門前彈劍客。半路里恰逢者。剛幾箇千金夜。忽喇叭拋去也。我怎肯恁隨邪。又去把墻花亂折。

後庭花

夢了些虛飄飄枕上蝶。聽了些吉丁當簷外

鐵。剛纔得合上溫郎鏡。却又早攔迴卓氏車。我這里痛傷嗟。鴛帳冷香消蘭麝。困將來剛睡些。望陽臺道路賒。那憂愁怎打疊。這相思索害也。看銀河直又斜。對孤燈明又滅。

青歌兒

呀風亂掃堦前堦前黃葉。雲半遮柳梢柳梢

殘月。這離恨更比前春較陡些。害的來也斜。瘦的來嗶。嗶待桑田重變海枯竭。還不了風流業。

浪裡來煞

這愁呵剛不在眼角楚。又來到眉上惹。恨

不的倩三尸肺腑細鑿碣。有一日繡幃中玉肌重廝貼。我將他指尖來輕捏。直說到樓頭北斗柄兒斜。

秋懷

北黃鐘醉花陰

窗外芭蕉戰秋雨。又添上新愁幾

許。珊枕剩繡衾餘。落鴈沉魚。眼底知何處。酒醒後細躊躇。一寸柔腸千萬縷。

喜遷鶯

把離人愁助。鬧西風翠竹蒼梧。蕭疎粉牆

外霜砧。轆轤一片秋聲。廝斷續。不知人心上苦。捱不



過追魂鐵馬。更和那索命銅壺。

**出隊子** 記柳邊朱戶。乍相過春正初。看一簾花霧。暗香浮。愛滿地涼蟾素練鋪。聽四座笙歌紅袖舞。

**前腔** 想多情丰度。論褒彈事事無。俺有那西施妖艷不傾吳。小小風流不姓蘇。巫女精神未遇楚。

**刮地風** 看了他閉月羞花天付與。又何須傳粉塗朱。整羅衫款把寒溫敘。禮法誰如。偶能勾一番遭遇。便拚下百年歡聚。歿生情山海誓。永無憂慮。似鸞凰緊趁逐。畢罷了寄柬傳書。等閑間長就連枝樹。這言辭豈是虛。

**四門子** 自別來幾見垂楊綠。悄然的音信疎。瘦影兒單。好夢兒孤。憶分攜恁時風景殊。樹影沉日色晡。擺列下淒涼隊伍。

**古水仙子** 我我我自歎吁。罷罷罷姻緣簿仍將姓字除。准准准斷雲將楚岫遮攔。敢敢敢桃花把天台截住。來來來來生分開比目魚。呀呀呀兩三朝鬼病柳榆。是是是教吹簫月明無伴侶。他他他把六朝金粉收拾去。單單單留下寫恨幾行書。

**尾聲** 會指歸期在春暮。却又早霜冷菰蒲。把燈花影兒終夜卜。



閨怨

南雙調十二紅（山坡羊）伴孤燈三更情况。捱剩枕幾

番移放。想當初此時共他。樓香肩睡足芙蓉帳。（五更

轉）到于今獨自宿。空惆悵。燈兒半減半減銀臺上。你

看殘月低沉。又早鐘鳴雞唱。（園林好）聽鴉啼林梢曉

霜。看日影花篩紙窗。（江兒水）怕對鏡愁添悒快羞殺

胭脂粧不就桃花模樣。（玉交枝）眠思夢想對朝餐無

心去嘗。好花曉怯枝頭放。帶不上昨夜春光。（五供養）

纔離鴛帳。又早見雙飛燕來燕往。起來無半日。淚滴

幾千行。怕繡那傷心兩兩鴛鴦。（好姐姐）午晌倚樓凝

望奈人隔着山高水長。（玉山頌）穿梭日影。又過粉墻

西向。香閨人寂寞意徬徨。繡鞋兒雙褪晒西窗。（鮑老

催）此情怎當。踈林鳥投喧夕陽。人歸不似飛鳥忙。（川

撥掉）想起他虛謊。不思量歸故鄉。愁殺人傍晚淒涼。

愁殺人傍晚淒涼。（嘉慶子）罵負義辜恩薄侍郎。把燈

兒點上銀缸。把燈兒點上銀缸。捱過黃昏又怎當。（隄

令）聽嘹嘹孤鴈泣。點點漏聲長。夜靜更闌人悽愴。

總夢兒裡相逢竟渺茫。

尾聲 一年未了相思帳。一月月難消磨障。怎禁一

日有十二個時辰空斷腸。

精訂梨雲寄傷



詠月

北南呂一枝花 清光亂乳鴉。冷鳧驚栖鳳。素華吞

老兔。寒影動。驪龍。淡淡溶溶。慣追陪。芳草池塘夢。常

占滿。梨花院落中。助佳人。擣練愁添。伴孤客。吹簫夜

永。

梁州第七 有時節。疑出匣。初磨寶鏡。有時節。訝葳弧

未上彎弓。盈虛顯晦。皆堪詠。芙蓉亭外。楊柳橋東。斜

侵畫舫。高挂長松。穿則穿寂。寞房櫳。照則照冷淡屏

風。伴着這露兒零。風兒細。攔斷。歎單枕長門。惹的那

猿亂啼。蛩亂吟。淒涼殺。白楊漢塚。添上些烟半籠雲

半掩蕭條。盡衰草吳宮。你若是尊空。路窮。眼稍着便

要鄉心動。赤紫的招難招。送難送。腸斷誰樓幾杵鐘。

纔得他轉過梧桐。

尾聲 有一日穩騎鰲背。誰能共。咲踏青雲有路通。大

斧臨風細摩弄。說嫦娥遁踪。逞吳剛氣勇。我只要奪

却秋風桂花種。

賞重九

北南呂一枝花 天空碧水澄。木落青山瘦。籬寒黃

菊晚。瓮暖綠醅熟。歲月如流。纔過了中秋後。又重陽

九月九。染秋容。紅蓼丹楓。添秋色。殘荷敗柳。



梁州第七 散旅悶閑尋野寺。快離懷遠眺江樓。凭高一覽江山秀。山形北拱。水勢東流。綿綿極浦。滾滾滄洲。白鷺洲。二水悠悠。鳳凰臺。百鳥啾啾。覓得根羊叔子。軟琅璫。博帶垂腰。借得條葛。仙翁灣曲。律青藜在手。尋得個孟叅軍。腌喇答。破帽籠頭。放開笑口。對西風滿把黃花嗅。聳吟肩。驛吟袖。自把陶詩細和。酬景趣窮搜。

罵玉郎 風光斲把人迤逗。携樽俎約朋儔。江鄉黍黍秋成候。剖金橙味尚酸。薦黃雞膘正肥。擘紫螯黃初溜。

感皇恩 到大來心上無憂。身外無求。管甚麼三略法立興了周。一聲歌平散了楚。萬言策坐安了劉。趁着天清氣爽。雨霽雲收。逢僧舍。過酒家。便遲留。

採茶歌 見鷗鷺泛中流。覩鴻鴈起蘋洲。牧童橫笛倒騎牛。看了這錦繡川原紅樹晚。端的是一年好景讓三秋。

尾聲 一箇向東華鐘鼓常聽漏。一箇爲南國尊鱸便駕舟。兩般兒我叅透。幹功名枉生受。得清閑怎能彀。遇清明好時候。與村翁共林叟。登高臺陟遠岫。酒腸寬。詩骨瘦。到老雙眉不曾皺。欸段馬犯紅塵不熟。粗



布袍見時人怕醜。只慣向傍水沿山路兒上走。

懷妓

北南呂一枝花 嬌滴滴千金玉體輕。窄弓弓半虎

羅鞋。長挽挽兩彎眉黛巧。顫巍巍一捏柳腰纖。禮

數謙謙。歌白雪櫻唇艷。撥檀槽春笋尖。俏儀容燕燕

堪同。美聲價鶯鶯不忝。

梁州第七 那里有一毫兒破綻。端的無半米兒悞

嫌。溫柔瑩潔絕瑕玷。宜嗔宜喜。知耻知廉。諸餘可愛。

所事相兼。惹的些蜜蜂兒攘動雕簷。引的些蝴蝶兒

飛近粧奩。恨則恨歸去後珮聲兒空館遙聞。喜則喜

相見時脚步兒殘紅半掩。愁則愁別離間唾津兒香

帕猶粘。意忺語甜。知音不是恩情欠。您蘇卿俺雙漸。

瞞不過慣打聽風聲阿母嚴。步步拘鉗。

煞尾 丟不開放不下難成合。繾綣終常念。深之重

感之深。無倒斷相思。卽漸添。有一日軟玉温香許咱

瞻。放下花撲撲繡簾。靠着喜孜孜杏臉。恁時節方纔

把撥雨撩雲意收斂。

樂閑

北南呂一枝花 新栽數畝瓜。舊種千竿竹。不彈三

尺劍。靜閱滿床書。詩骨清臞。冷淡淡心何慮。閑邀邀



樂有餘。碧梧高彩鳳。深栖滄溟濶。鯨鯢怕舉。

梁州第七 取岩畔枯藤作杖。伐江臯曲木爲廬。主

人素得林泉趣。烹茶掃葉。引水通渠。鈎簾待月。俯檻  
觀魚。耻干求自抱。憨愚厭追陪。懶混塵俗。傲慢似去  
彭澤。棄職陶潛。踈散似困夔府。豪吟杜甫。清高似老  
孤山。不仕林逋。豈濁不魯。處酸寒。緊閉乾坤目。躲風  
雷。看烏兔。靜掩柴門。春日晡。便休提黑漆似前途。

黃鐘煞 守茆堂忘勢利。甘貧何用王侯顧。列青樽

拚趲趲。爛醉頻教婢妾扶。世上炎涼久憎惡。敬於賢  
慢於富。罷朝叅儉家務。叱阿諛薦忠恕。視肥甘若鳩  
蠱。懼功名似豺虎。詠梅軒釣菱浦。結樵朋友漁父。陋  
繁華尚雅素。遠雕輪避朱芾。老妻賢釀醞醪。老夫狂  
唱金縷。課耕男教經女。推仁愛給奴僕。頌歌謠贊

明主。儘紅輪換朝暮。任浮雲變今古。對猿鶴做儔侶。  
喜烟霞近窗戶。但將那老鳩巢懷抱。放寬舒。一任教  
競蠅血兒曹漫欺侮。

尾聲 學不的睡不安。蒼荒拔劍雞。匆下舞。趕不上時

未遇抖擻彈冠任。路上趨乘一段鐵石心腸愈堅固。  
者麼你趙平原。誘英雄計謀。齊孟嘗待賢良肚腹。賺  
不去狗盜雞鳴類兒裡數。



詠劍

北南呂一枝花 離匣星斗寒。到手風雲助。插腰奸  
膽破。出袖鬼神伏。正直規模。香檀欄虎口。雙吞玉沙  
魚鞘龍鱗密。砌珠挂三尺壁上飛泉響。半夜床頭驟  
雨。

梁州第七 金錯落盤花扣掛。碧玲瓏鏤玉粧束。美  
名兒今古人爭慕。彈魚空館。斷蟒長途。逢賢把贈。滅  
寇即除。比鑊鄒端的全殊。縱干將未必能如。曾遭遇  
諍朝讒烈士朱雲。能迴避歎天亡雄夫項羽。怕追陪  
報私讐俠客專朱價孤。世無數十年是俺家藏物。嚇

人竟射人目。相伴着萬卷圖書酒一壺。歷遍江湖

煞尾 咲提常向樽前舞。醉解多從醒後贖。則為這  
未遂封侯把他久擔誤。有一日修文用武。驅蠻靖虜。  
好與清時定邊土。

自述

北南呂一枝花 事詞章舊有名。攬風月多揆俊。說  
興亡長閉口。期富貴怕勞神。回首青春。又早三十近。  
虹霓志未伸。因此上筆尖兒判柳評花。心性兒搥香  
弄粉。

梁州第七 耳邊廂喜聽的是輕歌金縷。眼根前愛



看的是妙舞紅裙。也是我生平註下踈狂。分段兒熟滑如張敞。舌頭兒利便似蘇秦。性格兒如杜牧。肚皮兒豁達似田文。語言直敬的是斯文。骨節尚傲的是王孫。芙蓉露濕烏紗。夜夜歸遲。梧桐月照羅幔。麴睡穩。桂花風爽。吟袍日日遊頻。自思自忖。保箕裘且待亨通運。省干求罷談論。細和滄浪靜掩門。且迴避滾滾紅塵。

煞尾。有一日半空中飛下風雷信。平地裡分來雨露恩。那其間執節操。戈把柳營鎮。秉精忠爲君守清白愛民。酬得那些小勳勞。便歸隱。

樂閑

北南呂一枝花。常尋灞岸梅。靜理桐江竹。厭看青瑣論。懶上皂囊書。心古形臞。但身在貧無慮。喜年豐賦有餘。愁的是搜尋着幾遍。徵宣追趕着三番薦舉。

梁州第七。喜泉水暗通蔬圃。愛雲山正對茆廬。客來山鳥頻驚懼。新收野果。舊釀佳醕。宜時嫩蕨。墜釣鱸魚。肚皮寬儘自粧愚。眼睛高不肯容俗。服青精煉丹砂。修養天和。買耕牛。鎔寶劍。消磨英武。卸烏紗。戴綸冠。學盡村夫。假駑詐魯。傲襟懷不入時人目。耻趨



權陋阿富。習就林泉禮法。踈豈待別圖。

**煞尾**

枕琴聽雨。湘簾簌。信步看花短杖扶。有時節

爛醉歸來近薄暮。蘆花被欵鋪。任駒駒睡足。強似您

午夜鐘聲。嘶催促。

勸子弟收心

**北越調鬪鶴鶉**

往常時伴了些朱履瓊簪。乘了些雕

鞍俊馬。走了些月館風亭。臥了些重裯繡榻。醜嘴臉

粧狐。喬模樣做假。則爲您書不通禮。不達到如今門

徑兒蕭條。房廊兒倒塌。

**紫花兒序**赤紫的麗春園用不的莽壯。富樂院哭不

的貧酸。鳴珂巷告不的消乏。也是你椿椿兒弄醜。件

件兒爲差。嗟呀。那無轉動的錢財。可又不勾花。早難

道丈夫聲價。參不的冷臉兒婆婆。見不的可意見冤

家。

**小桃紅**

中年無計作生涯。流落他人下。尚兀自留

戀當時枕邊話。不防他多情耻。咲知音罵。待去呵青

蚨。又夢撒。不去呵。寸心又牽掛。沒來由情緒亂如麻。

**調笑令**

占定着小娃。止不過弄奸猾。又無甚筆吐

江淹夢裡花。咲你箇空拳未肯甘心罷。翠紅鄉拚死

行踏。



精言秀雲寄情  
三  
秃厮兒。見相識免不的推隴做啞。遇姨夫使不的利齒伶牙。將你那行藏靜中明鑑察。無分福享奢華。井底之蛙。

聖藥王。全不想你囊已乏。他價轉加。痴心兒終日望巫峽。我非是厮逼債。待把他相救拔。好將那些須資本手中拿。哥哥。哥哥。你省可裡念頭差。

隨煞。我則怕宣揚的你棚拽風聲大。我勸你且寧奈些時暫煞。待你那運通呵慢慢的腆脯兒行。錢廣呵慙慙的放心兒耍。

效楊景言一點情牽體

北中呂粉蝶兒。冷雨梧桐。破梨雲半床香夢。翠屏深燭影。搖紅酒邊愁。花底恨。一時間牽動。間阻匆匆。夜迢迢枕衾誰共。

醉春風。難打捱枕衾寒。怎支吾更漏永。今生若得遂于飛。我把你來寵。寵佛也似皈依。命也似惜愛。玉也似珍重。

叫聲。邂逅得相逢。兩情兩情秋波送。淡月鞦韆小院東。

剔銀燈。附着耳低低的過從。舉着案謙謙的陪奉。他將我美名兒已向心苗裏種。特地裏啞謎也似包。



籠顧不的蜂蝶咲。倩是麼魚雁通。也是情濃來意濃。  
蔓青菜。他愛我能吟咏。我愛他不凡庸。擔定着怕  
恐。因此上打不開分不散。兩情同想註下山海似姻  
緣重。

快活三。你若是真真的。有始終。實實的肯姑容。你若  
甘心不厭我愚蒙。不枉了我常稱誦。

鮑老兒。我為他。握雨携雲少定踪。被了些人譏諷。他  
為我戴月披星苦用功。受了些人搬弄。若是他同我

同文君之分。司馬之風。管取他心我心。生前厮守。及  
後相從。

尾聲。好音也。既通深恩也。已蒙。有一日。雙雙穩跨  
秦臺鳳。把玉觴親奉。笙歌春醉錦堂中。

冬、閨怨別

北中呂粉蝶兒。三弄梅花。戍樓中角聲吹罷。月輪  
兒斜照窗紗。托香腮。湮淚眼。一篝燈下。展轉嗟呀。耳  
邊言都做了。一場閑話。

南泣顏回。薄倖忒情雜。不比尋常戲耍。出門容易。  
而今海角天涯。歸期歲晚。轉頭來過了春和夏。去時  
節霜老芙蓉。却又早水冷蒹葭。

北石榴花。我只向綠窗前斷送了好年華。許多時脂



粉不會搽。九迴腸。番倒的越窄狹。幾乎間害殺。鬼病增加。一會價告蒼穹。問個龜兒卦。不明白甲乙交叉。猛然間拈起香羅帕。肯分的繡一朵並頭花。

南泣顏回

奸猾心性最難拏。瞞人俐齒伶牙。悠揚不定。猶如風裡楊花。千思萬想。您從來色膽天來大。恐習學竊玉偷香。塘突了相府高衙。

北鬪鶴鴉

惡離別動歲經年。又不比些時暫霎。恨壓損眉黛。雙彎瘦減盡腰肢。一把我這裡暮暮朝朝想念他。他何曾記掛咱。不能勾碧漢乘鸞。只落得垂楊繫馬。

南撲燈蛾

恩情如擗沙。清苦似嚼蠟。知他在那廂。佯笑臉。虛擔着許多驚怕。也不須尋消問息。到頭來終有個還家。風流罪招由細數。從頭兒一樁一件細詳察。

北上小樓

我自來無玷瑕。他從來知禮法。平白地受盡淒涼。擔着寂寞。遭此折罰。眼見得漏泄銅龍聲喧。鐵馬香消金鴨。最難熬暮冬殘臘。

南撲燈蛾

風兒颼颼亂刮。雪兒紛紛密洒。淒淒的鳳枕單。沉沉的鴛帳冷。薄設設的繡衾寒。壓灼灼的銀燈爆花。嗚嗚的城上吹笳。瑟瑟的殘更正煞。呀呀



的曉天啼散樹頭鴉。

北餘音 文君再把香車駕。只恐琴心調弄差。反與相如做話巴。

賞雪

北越調鬪鶴鴉 靜沉沉繡戶重關。寒凜凜氈簾半。擘青雅雅翠幙低垂。光閃閃銀屏欵簇。韻悠悠品竹調絲。花撲撲呈歌按舞。這壁廂捧玉觴。那壁廂倒玉壺。擺列開綺席瓊筵。粧點就華堂錦屋。

紫花兒序

畫闌側梅香馥郁。雕簷畔鐵馬丁東。遙天外雪意模糊。有麝蘭金鼎。獸炭紅爐。歡娛滿飲。羊羔不用沽。平壓倒。党家豪富。笑喑喑粉面。相迎。醉醺醺玉手相扶。

小桃紅

一天風雪歲將徂。四野彤雲布。滾滾梨花。間飛絮。景蕭疎。光芒萬頃。迷吟目。漁舟遠浦。樵人歸路。巧手細臨摹。

鬼三台

聲浙浙敲窗戶。白茫茫迷津渡。呀。平墊了。梅溪竹塢。萬蕊綴焦枯。正朱闌笑撫。望江天幾峰雲。外孤看江湖。一禽形影無。都道是上國禎祥。誰肯念。間閻病苦。

金蕉葉

孫康巷蓬窗罷讀。袁安宅柴門緊堵。子猷



棹山陰半途。韓愈馬藍關道阻。

調笑令 我這里擁爐任歡呼。呀。十二金釵列畫圖。撚霜毫細和梁園賦。謝娥詩再詠重續。欸舒開彩箋。紅袖拂喜孜孜。一覓催促。

禿廝兒 秦弄玉天生媚嫵。許飛瓊巧樣粧梳。杜樊川自來官况踈。調燕友戲鶯雛。伎倆滑熟。

聖藥王 休道是太尉俗禮法粗。醉昏昏終日飲屠酥。您學士迂興味孤。冷清清看定個煮茶爐。樂事一星無。

青山口

景物景物壯

皇都喜昇平。今再覩飲足興足老狂夫。得清閑真分福。來春蝗蝻無。豐年二麥熟。看那雪滿平湖。雪阻長途。暮冬淒更楚。凍合冰壺。高低膩粉塗。分明素練鋪。煖閣氍毹。錦帳流蘇。只恐怕良宵易度。芳宴重開。更燒燭。

隨煞 吟成賞雪觀梅句。梅五出。滕神六出生平。一片歲寒心。只與梅花做賓主。

小令

贈隱士

二首

北鴈見落帶過得勝令 狂將綠蟻斟。醉把瑤琴枕。



柴門迎送無。艸閣從容甚。○鷗鷺識閑心。湖海少知音。身在惟憂病。途窮只苦吟。春深細雨紅。桑椹花陰。殘陽語翠禽。

堪同阮籍狂。更比陶潛強。無錢不外求。有策何曾上。○跳出是非場。學得保生方。詩酒雙白眼。乾坤一野航。江鄉細雨鷗波漲。篷牕荷花午夢香。

春情 二首

北鴈兒落帶過得勝令。一箇風流蘇小仙。一箇俊俏雙知縣。一箇烏紗宮錦袍。一箇粉腕黃金釧。○一箇常費買花錢。一箇不上販茶船。一箇醉眼方教露。

箇春心未肯傳。一箇尊前半掩香羅扇。一箇花邊低垂白玉鞭。

我的詩何曾半字差。他的俏果抵千金價。他堪齊蘇小肩。我不在相如下。○我的詩轉味轉堪誇。他的俏越看越無瑕。他梳掠皆宮樣。我詞章學大家。憑咱幾句兒知心話。惑他一枝兒解語花。

贈妓

北脫布衫帶過小梁州。印春泥三寸金蓮。訴春情十四冰絃。蹙春恨雙蛾翠淺。舞春風一圍紅顫。○端的是占斷梨園第一仙。堪羨堪怜。杏花籬落晚風前。



初相見馬上墜吟鞭。○多情果遂于飛願。俏劉郎又到桃源。看了你楊柳腰。芙蓉面。我則待真心兒留戀。你是必休走上販茶船。

四時閨怨

南二犯江兒水。減盡了花容月艷。重門常是掩。正東風料峭。暮雨廉纖。落紅千萬點。香串懶重添。針兒怕待拈。瘦骨崑崑。鬼病恹恹。將他這舊恩情重點檢。愁壓損兩眉翠尖。恐惹得張郎憎厭。這些時對鶯花不捲簾。

靜悄悄槐陰庭院。芭蕉心乍展。見鶯黃對對。蝶粉翩翩。盼情人天樣遠。高柳噪新蟬。清波戲彩鴛。行過欄前。坐近池邊。只聽得是誰家唱採蓮。急攘攘愁懷萬千。拈起柄香羅團扇。恰寫着阮郎歸詞半篇。

捱過了炎蒸天氣。新涼入繡幃。怪燈花相照。月色相隨。影伶仃訴與誰。征鴈往南飛。鴈歸人未歸。想像腰圍做就寒衣。不知道他如今在那里。全無有真實信息。倩一個行人稍寄。又恐怕路迢迢衣到遲。

幾遍把梅花相問。新來瘦幾分。笑香銷容貌。玉減精神。比花枝先病損。繡被與重裯。爐香夜夜熏。着意溫存。斷夢勞魂。只恁般睡不安眠不穩。枕兒冷燈兒又



精言梨雲寄傲  
昏獨自箇和誰評論。百般的放不下心上人。

漁隱 四首

北小梁州 白鷗磯畔一漁家。湖海生涯。風波日日

任從他。無驚怕。隨意泊蒹葭。○船兒止有些娘大載。

西風兩岸蘆花薄暮時。收綸罷。一篝燈下兒女笑呬

呬。

白鷗磯畔一漁船。浪跡年年。半鈎香餌夕陽邊。江如

練。釣破水中天。○斜風細雨尋常見。任夷猶西塞山

前。被那楊柳烟。桃花片。春來幾遍。迷入武陵源。

白鷗磯上一漁簑。萬頃滄波。閑中歲月自消磨。無灾

禍。終日扣舷歌。○瓦盆新酒芻香糯。釣將來箇箇魚

活。篷底眠。船頭坐。那三台八座。比俺是非多。

白鷗磯上一漁竿。綠水青山。秋風輕捲釣絲還。黃蘆

岸。細雨短蓑寒。○紅塵半點無羈絆。喜山妻稚子相

看。董卓權。韓侯患。利名公案。欸乃一聲間。

閨情 十二首

北小梁州 碧紗窗外月兒低。玉漏遲遲。蘭香燒斷

冷金猊。難成寐。花影覺頻移。○青燈一點空相對。靜

嶢嶢四面屏幃。眉上愁。腮邊淚。春來憔悴。惟有燕鶯

知。



碧紗窗外月兒高。秋到芭蕉。和衣剛得眼合着。誰驚  
覺。花底一聲簫。○吹來總是相思調。把閑愁喚上眉  
梢。展轉聽傷懷抱。粉香花貌。一夜爲君消。

碧紗窗外月兒明。一片秋聲。芙蓉屏底暮寒生。愁難  
聽。落葉走空庭。○坐來轉覺傷孤另。冷清清怎捱長  
更。一捻腰。十分病。燈前瘦影。越看越伶仃。

碧紗窗外月兒斜。忽的雲遮。西風吹散枕邊蝶。如年  
夜。心緒不寧貼。○侍兒休把燈吹滅。端溪硯水再添  
些。紫兔毫丹楓葉。玉纖輕捻。和淚寫離別。

碧紗窗外月兒圓。玉鏡高懸。清光依舊似年前。人不  
見。憔悴對花眠。○柔腸九曲思量徧。問東風桃李無  
言也。不索書寄鴻。詩題扇。終朝寫怨。自有錦箏絃。

碧紗窗外月兒歪。門掩蒼苔。玉釵敲斷未歸來。凭闌  
待。黃犬信音乖。○東風細細吹裙帶。露華涼沁透官  
鞋。夜轉迢。愁偏殺。竹吟清籟。錯當履聲猜。

碧紗窗外月兒孤。兩兩啼鳥。枕寒衾剩夜何如。愁難  
度。風露下高梧。○秋聲苦把人欺負。但合眼好夢全  
無。整翠鬟。開朱戶。瑤階徐步。惟賴影兒扶。

碧紗窗外月兒昏。滿地春雲。杜鵑喚醒海棠魂。寒時  
分。強把翠衾溫。○天涯久絕鱗鴻信。耳邊廂盟誓空



存舊日愁。新來恨。眉峰一寸。常是爲君顰。

碧紗窗外。月兒陰。香霧沉沉。一尊花底少知音。時時  
恁幽恨。苦相侵。○翠幃錦帳難拘禁。戰兢兢。一點春  
心。枕與衾。淒涼甚。兩般兒爲您。相守到如今。

碧紗窗外。月兒纖。怕捲珠簾。薄寒今夜覺重添。臨鸞  
鑑。羞點翠蛾尖。○一身苦把淒涼占。捱不出鬼病慳  
慳。卦兒交。燈兒焰。全無靈驗。今後不須占。

碧紗窗外。月朦朧。撞罷昏鐘。雲屏翠幙幾重重。寒猶  
重。滿院落花風。○枕衾長夜無人共。陡然的褪粉銷  
紅。杜宇聲。驚春夢。把閑愁搬弄。不離曲闌東。

碧紗窗外。月如鈎。薄靄初收。三分春事去難留。新來  
瘦。非是爲花愁。○羅衣香冷芙蓉扣。對青鸞。幾徧成  
羞。臉兒黃。眉兒皺。黃昏時候。無語抱箜篌。

詠燕子

北小梁州 蒲芽尚短柳條長。對語雕梁。滿身披拂  
落花香。多情况。風外自雙雙。○還同王謝當年像。咲  
江南風景堪傷。朱雀橋。烏衣巷。不勝悲愴。芳艸共斜  
陽。

鞦韆

北小梁州 海棠庭院夜初深。結伴相尋。幾回蹴罷



思沉沉。將闌干枕。溜却鳳釵金。○宮鞋每被香泥沁。  
慣追陪柳影花陰。任咲喧。無拘禁。一春狂甚。針線不  
關心。

聞杜宇

北小梁州 東風蕩蕩雨霏霏。開到茶蘼。三三兩兩  
上林飛。別無意。只道不如歸。○晝長時候多春睡。被  
冤家幾徧驚回。只願的。墻兒邊。園兒內。綠殘紅廢。免  
得他傷人啼。

四時閨怨

南一江風

到春來。常是恹恹害。不出簾兒外。甚情

懷雨驟風狂。綠暗紅稀。花事收拾快。蜂驚蝶又猜。青  
春半是苔。一點春何在。

夏初來。長日無聊賴。溽暑偏禁害。小亭臺。並蒂荷花。  
交頸鴛鴦。不管離人怪。調朱手倦擡。描鸞眼怕開。黑  
海相思債。

到秋來。好月凭闌待。見月深深拜。下瑤階。露濕弓鞋。  
涼沁羅衣。風又吹裙帶。孤燈爆絳臺。寒衣想像裁。手  
慢并刀快。

到冬來。飛雪簾兒外。呵手勻眉黛。托香腮。白日淒涼。  
已到黃昏。一點燈兒在。一更強打捱。三更怎擺劃。刻



刻難支派。

青樓十詠

和徐遵誨題

初見

北折桂令 恰相逢。月正圓時。嬌臉生春。美玉無疵。小髻盤鴉。短釵簪鳳。團扇題詩。眉兒織畫。兩道彎彎。樣子。口兒香駐。一點淡淡胭脂。花比丰姿。柳比腰肢。贏得風流。惹得相思。

小酌

前腔 瑣銀屏。花影重疊。風景非常。受用全別。麗曲調鶯。錦箏排鴈。綠酒吞蛇。雲鬟亂金釵。墜也。玉山頽翠袖。扶者。席上驕奢。帳底和協。咲語叮嚀。醉眼乜斜。

沐浴

前腔 小壺天。絕勝華清。半掩紗窗。欵簾雲屏。風細肌涼。泉香玉軟。池煖脂凝。嬌臉潤芙蓉。弄影。翠眉低楊柳。含情。月滿虛楹。露下空庭。緩步蒼苔。咲撲飛螢。納涼

前腔 蟬香肩。行出粧樓。眉黛雙彎。羅襪雙鈎。珊枕歌寒。素紈裁月。冰簟橫秋。梧葉老。新涼到久。碧天空大火。西流薄靄。初收院宇。清幽稱良宵。正好歡娛。對西風不索遲留。



臨床

前腔 燭花前携手行來。人世蓬壺。夢裏陽臺。私語偷傳春心未穩。醉眼方開。非是俺逞大膽張郎重色。只因您解知音紅拂憐才。香散書齋。春到天台。咲解羅衫。款褪弓鞋。

並枕

前腔 並頭花春晚齊芳。未遂于飛。先效頡頏。綠髮連雲。粉腮沾汗。玉股交香。珊瑚小下一雙鳳凰。水晶寒睡兩箇鴛鴦。暗暗包藏。細細度量。被窩中恩愛休提。耳邊廂盟誓難忘。

交歡

前腔 玉肌膚軟襯酥胸。魚水和同。雲雨情濃。漸漸昏迷。低低囑付。款款依從。粉腕上香消守宮。翠幃中露沁芙蓉。鬢又鬢鬆。眼又朦朧。甜唾浸浸。香汗溶溶。言盟

前腔 告蒼穹。您是聽咱。不願榮華。不爲消乏。得遇知音。若非債主。定是冤家。我負心拚着箇投河墜馬。你薄情也難免帶鎖披枷。莫當媒狎。休使奸猾。天意無私。報應無差。

曉起



前腔 日初紅影射闌干。門外鴉啼。樓上鐘殘。鴛頸將分。香肩並倚。淚眼相看。脚兒重非干步。嬾話兒多。休得心煩。憔悴今番。會晤猶難。收拾了酒釀花穠。安排下枕剩衾單。

叙別

前腔 促行裝短劔。孤裘芳草郵亭。細雨江樓。鶯也留人。花也擎淚。柳也含愁。一箇扯羅袖三番勸酒。一箇上雕鞍幾遍回頭。你又溫柔。我更風流。生拖揜鳳折鸞分。忽喇入雨散雲收。

風情

北折桂令 翠屏深兩兩紅粧。玉捻就香肌。霧織就仙裳。許盼盼風情。崔鶯鶯聲價。蘇小小詞章。宜貯向楊柳岸春風畫舫。堪立在梨花院夜月迴廊。俊的是容光。俏的是心腸。他也會脚踪兒成就了張郎。夢裏兒勾引了襄王。

怨別

北折桂令 瑣窓寒燭影。搖紅春意方舒。酒興方濃。三唱鄰雞。數聲殘角。幾杵疎鐘。夢回也珊枕畔烏雲亂擁。人去也玉腕上寶釧微鬆。兩意匆匆。回首西東。一箇寫相思。揆斷冰絃。一箇望音書。候殺歸鴻。



艸堂寫興 二首

北折桂令 小軒窗閑似蓬萊。處世知幾。獻賦無才。香徑花殘。青尊酒盡。白鴈書來。又添上推不開。攬不動一身詩債。更有那撇不去。丟不寫百種愁懷。且對着萬壑千崖。五柳三槐。一任他夢繞華胥。功著雲臺。

前腔 草堂間雅樂何如。留客茶瓜。遣興琴書。數箇修篁。半池青荇。幾簇紅蕖。有時節明月底對青尊。聽佳人度曲。有時節柳陰中拖短杖。看稚子叉魚。踈散無拘。俗慮消除。深隱丘阿。笑殺三閭。

幽居協韻

北折桂令 棘籬低直抵碧溪。特地追陪。最喜栖遲。畦裏携黎。磯西寄跡。梅底持杯。洗是非極宜。克已離傾頽。委實知幾。意氣誰識。未及夷齊。已類鴟夷。

閨情 二首

北折桂令 掩重門睡損胭脂。被冷紅鴛。香斷金獅。針也慵拈。花也怕戴。粉也羞施。恨只恨帶春來送春去。梁間燕子。怪只怪訴人愁。驚人夢窗外鶯兒。一捻腰肢。消瘦多時。影兒單助起淒涼。病兒沉加上相思。前腔 枕痕紅界破桃腮。寒透窗紗。塵滿粧臺。病又因循。書又不至。命又合該。百忙里寫幾箇曉蹊字。測



也難測。赤緊的做幾場鶻突夢猜也難猜。花落花開  
有日歸來。務要他說話兒折辨真實。業錢兒消繳明  
白。

四時題情

南音天樂 惱春情鶯和燕。千萬縷垂楊線。去年人  
不見看花問東風桃李無言。愁眉不展。向亂紅深處  
送出鞦韆。

柳陰濃榴花放。湘簾捲金鈎上。倦來時獨倚闌干。被  
無情惱亂柔腸。蘭舟兩兩向錦雲堆裡。驚起鴛鴦。

好霜天賓鴻至。無一個閑傳示。尋常病兩日三朝。這  
相思無有終時。離人樣子看黃花消瘦。人比花枝。

怯嚴寒消風韻。呵手將梅花問。孤眠人最怕窮冬。倩  
南枝早報先春。飄綿墜粉。任漫天蔽野。休阻行人。

四時題情

南嬌鶯兒

春寒成陣。繡衾誰與溫。枉自換爐薰。可

怪東風連夜。則管通花信。夜長風力緊。教人眠不穩。  
我這裡顧影徘徊。又被這一簾花露。遮得個月兒昏。  
雙飛雛燕。薰風吹柳綿。荷葉小如錢。正是清和天氣。  
初試香羅扇。盆池曲檻邊。一泓寒水淺。却又早庭院  
黃昏。我將這玉纖閑戲。掬得個月兒圓。



天街人靜。羅衣風露冷。玉漏已三更。怪底鳳笙何處。  
吹做陽關令。梧桐清瘦影。秋蛩鳴露井。幾日來不見。  
嫦娥多謝這一星兒螢火。妬得個月兒明。  
長更難度。沉沉樓上鼓。清漏響銅壺。無限惱人情緒。  
况是年華暮。鼓聲淒又楚。漏聲誰待數。不甫能步出。  
重簾。肯分的玉梅枝上。添得個月兒孤。

詠香閨十事

桃花扇

北梧葉兒 掩畫燭傳私語。撲飛螢向淺莎。紅暎醉  
顏。酡不寫班姬怨。常陪蘇小歌。纖手內更情多。遮護

着櫻唇半顆。

石榴裙

前腔 低護雙鈎襪。輕翻六幅霞。光照守宮砂。烘曉  
日迷歌扇。舞春風帶落花。越看着越堪誇。險不把啼  
鵲妬殺。

珊瑚枕

前腔 金谷園那曾見。水晶宮不易求。鴛帳裏您爲  
頭收腮。斗三更淚占銀床。六月秋緊抱定下粧樓。拿  
一朵紅雲在手。

鴛鴦被



精言委雲寄佛  
前腔 分並宿池頭影。織合歡帳底紅。常熏染麝蘭  
風舒處也。春雲皺堆時也。蜀錦重。喜夜夜有人同。怕  
相伴長門漏永。

鳳凰釵

前腔 簪寶髻添宮樣。劃闌干寫怨詞。兩股兒配雄  
雌。畫閣內粧成後。翠盤中舞困時。斜壓着。小桃枝。腸  
斷也。蘇州刺史。

鷓鴣帶

前腔 喜交頸和香繡。愛同心稱體裁。兩件兒果奇  
哉。縮夜月春無限。散天風麝滿懷。自從那做將來。幾  
遍向燈前咲解。

翡翠鈿

前腔 添西子顰時俏。貼韋娘刺處空。香馥馥顛  
巍。點花露嬌容破。壓春風咲靨低。長記得踏莎歸。失  
落在鞦韆月底。

鮫綃帕

前腔 妬織女千機錦。剪吳江半幅秋。說不盡您風  
流。霑宿粉春擎淚。帶餘香病累頭。最喜是捧金甌。掩  
映着芙蓉袖口。

孔雀屏



前腔 草屋底生無分。畫堂中舊有盟。喜金翠甚分明。鎖花霧風前潤。帶春山雨後青。常伴定一檠燈。恨則恨無人射影。

丁香鈕

前腔 結蓓蕾行行俏。染胭脂箇箇嬌。芙蓉扣半含。着綰樓帶知肥瘦。傷酥胸可畫描。行坐處用堅牢。切莫把春心放了。

詠觀音奴

北梧葉兒 南海岸會相見。普陀山舊有名。救苦難解尋聲。蓮葉黃金座。楊枝翡翠瓶。便有那吳道子畫難成。水月裏娉婷瘦影。

春夜小集

北醉太平 剪銅荷燭花。烹石鼎茶芽。只喫到垂楊月轉未還家。半頑來半耍。酒痕湮滿香羅帕。篆烟消盡黃金鴨。晚涼輕透碧窗紗。拚着箇醉醺醺上馬。

秋日過隱居

北一半兒 山中歲月久埋頭。天上風雲雙袖手。構得茅堂更有田數丘。這蒼兒最宜秋。一半兒芙蓉。一半兒柳。

秋夜 二首



北清江引 花底轆轤簷外鐵。畫閣清秋夜。窗吟楊柳風。簾捲梧桐月。怕的是酒闌人散也。憶吹簫。玉人何處也。立盡梧桐月。裙寬翠帶長。髮髻金釵卸。把丹楓葉兒和淚寫。

題情 八首

南醉羅歌 無形無影書難寄。不活不灰病難醫。暮雨梨花近寒食。問陌上人歸未。黛眉羞畫也。只爲誰。羅裙寬掩也。只爲誰。鶯花笑殺人憔悴。鶯啼罷。花又飛。安排排腸斷送春歸。怕寒怕冷扃朱戶。無情無絮對紅爐。漏點沉沉響銅壺。好難把長更度。月明窗外照人影孤。燈花檠上照人影孤。淒涼萬種和誰訴。魚難覓。鴈又無。年來音信轉蕭疎。

眉兒淡了誰瞅問。被兒閑了自溫存。倚遍闌干望行云。全無有箇真實信。口傳言語也不大真。夢中歡聚也不大真。多應誤落烟花陣。迷歌扇。戀舞裙。共誰相伴倒金尊。

半薰半爇爐香換。半溫半冷繡衾寬。往事攢來萬千般。向靜裡閑思筭。枕邊私語蒼天怎瞞。星前盟誓神明怎瞞。他非我是明批判。量不盡。填不滿。相思黑海



正瀰漫。

冷落冷落鞦韆架。謝却謝却海棠花。遊子經年阻天涯。交變了龜兒卦。相如薄倖。也不似他。王魁短命也。不似他。山盟海誓全不怕。臨行話。都是假。此時驕馬繫誰家。

問神問卜全無應。行雲行雨總無憑。好夢將成又難成。珊枕冷鴛衾剩。風飄黃葉。愁人厭聽。聲喧鐵馬。愁人厭聽。情濃那怕心腸硬。星前誓。月下盟。半真半假欠分明。

坐裡臥裡頻顛窄。魂裡夢裡苦追尋。杜宇無端惱芳心。血淚把花梢沁。翠翹金鳳。也不待簪。穠花艷朵。也不待簪。相思更比前春甚。回文句。疊字錦。情多費盡短長吟。

半明半滅燈兒焰。半舒半皺翠眉尖。舊恨新愁兩相兼。分付與咱獨自。憑魚托鴈。霜毫懶拈。描鸞刺鳳。金針懶拈。調朱弄粉。情都厭。簾垂下。門半掩。落花飛絮惹憎嫌。

漁家

六首

北朝天子 趁蘆花晚潮。泊垂楊畫橋。自一種江湖樂。風風雨雨小窩巢。無半點紅塵到。篷底狂歌。槎頭



精言 梨雲寄佛  
閑釣對青山長醉倒。足不踏市朝。身厭掛紫袍。誰及  
俺漁家傲。

老妻將舵扶。痴兒把棹鼓。那里得人憎惡。分明行在  
輞川圖。狎幾點鷗和鷺。簑笠生涯。烟波人物。這家風  
無約束。釣秋風巨鱸。倒斜陽酒壺。誰及俺漁家富。  
名兒雖淡薄。船兒雖窄小。白眼把公卿傲。瓦盆新釀  
謾芻着。一任頑和笑。伏虎權符。封泥宣詔。但來的都  
告繳。紫萼羹味高。綠蓑衣禍少。誰及俺漁家樂。

綠陰陰柳堤。靜巉巉釣磯。終日孤篷繫。綸竿拋却。醉  
如泥。落一覺齁齁睡。不問得失。不談興廢。把前程明  
當黑。守龕衣淡食。免奴顏婢膝。誰及俺漁家貴。

知機處許啗。上書時無俺。滄浪水明如鑑。相逢常是  
半粧憨。任意把船兒纜。紫綬金章。雕闌朱檻。但題着  
驚破膽。喜萼鱸味甘。見塵埃面慙。誰及我娛清淡。  
自逃名放形。慣赤脚露頂。怕的是徵書聘。閑來一曲  
總昇平。再無甚別歌詠。山寺鐘餘。江豚風靜。擁蘆花  
方睡醒。是非又不聽。利名又不爭。誰及我心腸硬。

歸隱 六首

北朝天子 典賣了錦袍。結識上酒瓢。花底吟船頭  
釣柴門長日有僧敲。那里許高軒造。狼虎交雜。風雲



精言 雲寄 佛  
變暴退歸來誰道早。石崇富易消。范丹貧到老。那一箇長安樂。

齊門缺不彈。太官羊怕餐。功名事誰干犯。花前茅屋兩三間。自有春無限。養客三千。堆金十萬。老先生不掛眼。韓元帥將壇嚴。子陵釣灘。那荅兒無災患。

守腴田幾丘。和新詩數首。終日把柴扉扣。是非場裡強抽頭。再不聽東華漏。稚子愚頑。山妻溫厚。喜團團三四口。匡時的飯牛。休衙的種柳。他兩箇誰訛謬。

抱一床素琴。愛一川綠陰。醉後把松根枕。閒雲出岫本無心。任來往誰拘禁。滿眼金帛。三公權任。沒多時相伴。恁驢背上苦吟。菊花前痛飲。他兩箇踈狂甚。

園兒內有蔬。田兒中有粟。便是栖身處。尋常烟爨小規模。說甚麼千鐘祿。晉國山河。漢家陵墓。把興亡容易數。咲浮名有無。過流光迅速。留不住烏和兔。

傲邵平種瓜。學盧仝煮茶。喜春雨全禾稼。數椽茆屋近鷗沙。志不在陶朱下。詩酒閑情。琴書清暇。放會頑撒會耍。黃金印手拏。瓊林花帽插。禍道有天來大。

江上別意

北朝天子 帶斜陽遠峰。歛晴江斷虹。愁把離人送。半肩行李載孤篷。喜有金昆共。鷗鷺波明。蒹葭露重。



泊垂楊古渡東。又被那撼踈林晚風。破輕烟曉鐘。常驚起思家夢。

風情 四首

南鎖南枝 腸中熱。心上癢。分明有人閑論講。道他

近日這恩情。又在他人上。要道是真。又怕是謊。抵牙兒猜。皺眉兒想。

他心順。咱意肯。燈前背人回轉身。我忙裡去偷閑。耳畔低低問。信口言。還未准。你道過後標。我道見成穩。

他多詐。咱見小。百年兩心難共保。裂紙與焚香。去把泥神告。枉使心乾。弄巧。他恕過的多。報應的少。

恩情事。休說起。知心古來能有幾。錦陣與花營。受了些腌臢氣。纔離了他。又撞見你。你見面親。過後悔。

詠妓泥人兒

北水仙子 模兒裏何日印將來。粉作皮膚土作胎。長街頭擔兒上擔着賣。換了些亂頭髮折股釵。專與

些小兒曹每日胡歪。那里也捏土焚香拜。那里也肩輿上扛檯。弄的你不成人棄在塵埃。

有所思

北水仙子 海棠枝上月兒歪。風細紗窗半扇開。玉人此夜知何在。他那畫堂中春似海。三般兒不索疑。



精言 夢雲告傷  
猜笑解去熏香羅帶。暗溜了傳情玉釵。羞脫下遺恨  
弓鞋。

嘲風月 二首

北水仙子 狠厥丁挖幾處陷人坑。賤妮子拴千條  
繫足繩。老虔婆使一把無星秤。細尋思心自警。麗春  
園單送了惺惺。他人兒多賣不着您聰俊。口兒甜使  
不着您硬挺。意兒虛用不着您牢成。

買花錢旋換女娘情。還債簿難勾子弟名。販茶船送  
了商人命。眼睜睜猶未醒。提起那三般兒膽戰心驚。  
引魂幡是半方羅帕。迷魂湯是三杯醪醞。嚇魂臺是  
八扇圍屏。

詠素香囊

北水仙子 素羅新製小香囊。皎皎應同雪色光。一  
針針一線線依時樣。傍佳人玉體傍。三般兒比並非  
常。沾粉淚似荷擎秋露。依翠袖似蟾籠綠楊。貼湘裙  
似蝶舞銀塘。

春情集古 四首

南駐雲飛 那值殘春。雨打梨花深閉門。簾幕東風  
靜。人遠天涯近。嗒。情思睡昏昏。正愁人。獨出閨門。便  
覺閑行悶。今夜休將蘭麝薰。



獨上粧樓萬古情原一樣愁。人比黃花瘦。掩過芙蓉扣。  
嗒。心寒兩相投。覺綢繆。月色橫空。人約黃昏後。美  
愛悠歡恰動頭。

今夜別離。且盡生前酒一杯。未飲心先醉。多少離人  
淚。嗒。清減小腰圍。兩意徘徊。割肚牽腸。留戀你別無  
意。金榜無名誓不歸。

許配雄雌。才子佳人信有之。宋玉愁無二。多少傷心  
事。嗒。顛倒費神思。那人兒。從到京師。無有閑傳示。一  
日歸心十二時。

### 夏景

南駐雲飛。窈窕軒窗綠樹陰。濃夏日長。黃串微風  
蕩。小簾波紋漾。嗒。闌外小池塘。兩兩鴛鴦。十二珠簾  
高捲金鈎上。一架薔薇滿院香。

### 詠崔鶯鶯 六首

北沉醉東風。將照影銀燈暫息。把隨身玉珮收拾。  
躲着這月色行。揀着這花陰立。喚梅香。咲語低低。莫  
打夫人睡處回。脚步兒防他認得。

眼腦上恩情易合。心窩裏病症偏多。愛梨花夜月明。  
怯楊柳春風大。老夫人展轉防他。自有東牆缺處過。  
怕是麼門兒上鎖。



有心的逢着有心。知音的撞見知音。一箇病的來病轉危。一箇愁的來愁仍甚。恨鞦韆院宇深沉。一首新詩一曲琴。單訴着忘餐廢寢。

詩句子時常寄寫。繡針兒怕待湯者。自春風花落時。至秋雨蛩吟夜。惡相思未得寧貼。不是紅娘快嘴舌。怎醫得張郎瘦怯。

待月的佳人命薄。惜花的才子情多。惜花的病怎醫。待月的詩頻和。壞家風都是婆婆。假若當時就轉合。那里見潛潛躲躲。

倘無信須當退悔。若酬恩不用猜疑。索甚麼茶與紅排。甚麼兄和妹。老夫人罪有當歸。女意郎情既可知。又容住牆兒那壁。

贈僧 二首

北沈醉東風。閒經卷常爲伴侶。破袈裟不混塵俗。杖頭將月挂來。鉢內把龍降住。論詩才更有誰如。歸去山中小結廬。又要與白雲做主。

恩與愛登時頓脫。利和名等地消磨。是非場脚不踏。生歿戶拳槌破。趁清風來往呵呵。九載蒲團苦行多。方認得靈光是我。

閑情用轉應體 三首



北沉醉東風。窗外竹低垂鳳毛。澗邊松半偃龍腰。  
愛松頭月自來。喜竹底風常到。動吟情竹瘦松喬。竹  
傲冰霜志節高。松也把佳盟共保。  
美酒兒時。間送來新詩兒眼底。須裁酒酬了今日歡。  
詩還了當年債。酒和詩次第安排。酒喚蒼頭恁慢釀。  
詩不用閑錢去買。  
把雲外青山旋買。看青山時被雲埋。山高雲自生。雲  
去山長在。喜山青更愛雲白。雲比閑心任往來。山笑  
我朱顏易改。

離情用轉應體

一首

北沉醉東風。風細細涼侵碧紗。月團團影混梨花。  
月團團人影孤。風細細春寒大。月和風抵死欺咱。風  
着羅衣病轉加。月不把離情照察。  
芭蕉上蕭蕭雨聲。池塘邊聒聒蛙鳴。雨蕭蕭動客愁。  
蛙聒聒供詩興。雨和蛙展轉難聽。雨攪離人夢不成。  
蛙又把詩翁喚醒。

詠牡丹

北沉醉東風。籠夜月千機絳紗。舞東風幾簇春霞。  
溫泉宮乍浴回。華清殿初粧罷。散天香美玉無瑕。天  
寶年中寵愛他。險不把三郎害殺。



詠花柳用轉應體

北沉醉東風 綠柳外雙吟暮蟬。翠荷邊並宿紅鴛。  
露荷圓雨濺珠。烟柳細風搓線。花一噴柳正三眠。花  
比紅粧色更妍。柳妬殺蛾眉翠淺。

詠骷髏笛

北沉醉東風 那里也伴衰草狐踪兔跡。只管里怨春  
風綠慘紅悽。包含萬古愁。全仗三分氣。把莊周錯認  
桓伊。多少時人信口吹。不解把英雄嘆息。

詠蚊蚤

北沉醉東風 一箇巴到晚簷前鬧攘。一箇等的眠床  
上輕狂。一箇認肌膚是口食。一箇靠藁薦為家當。遇  
明時躲躲藏藏。這厮每尖嘴傷人。狠似狼。喫飽了何  
曾見長。

詠桃花比妓

北沉醉東風 照粉面常依綠水。咲春風半出踈籬。  
助尊前酒暈紅。散扇底歌聲細。露芳心蜂蝶先知。燕  
子樓邊望眼迷。啜賺了劉郎是你。

花月志感

北沉醉東風 花正發蟾含半規。月初圓花尚蓓蕾。  
月無三五圓。花欠十分媚。想人間好事難齊。及至花



開月又虧。全不與東君作美。

溪隱

北沉醉東風。鋪水面輝輝。晚霞點船頭。細細蘆花。缸中酒似灑。鴈外山如畫。占秋江一片鷗沙。若問誰家是俺家。紅樹裏柴門那答。

春遊

北沉醉東風。拂水面千條柳絲。出墻頭幾箇花枝。推篷看雨後山。沾酒入橋邊市。正江南燕子來時。到處亭臺好賦詩。單少箇吳姬在此。

自述 二首

北沉醉東風。湘簾下輕清簫管。草堂中小可杯盤。對燭花紅春酒香。怕禁鼓停更籌換。與知音坐久盤桓。怪舞狂歌盡此歡。天大事吾儕不管。青天外蟾光漸低。綠窗前梅影頻移。長存酒共詩。問甚名和利。喜圍爐談笑忘機。三尺龍泉怕去提。似這等人兒有幾。

秋夜

北沉醉東風。庭院悄風搖綠楊。轆轤斷露滴銀床。蛩吟草砌邊。月挂簾鉤上。正人間一半秋光。何處吹簫引鳳凰。側耳向花陰半晌。



閨怨 二首

北沉醉東風。黑黯黯雲遮北斗。響撞撞鐘度南樓。香消翠鼎閑。被冷紅雲皺。撥相思絃斷箜篌。一寸眉峰萬種愁。捱不過天長地久。

垂柳外低低粉牆。燭花前小小牙床。鎖春寒翡翠屏。藏夜月芙蓉帳。幾般兒不比尋常。回首桃源路渺茫。手抵着牙兒漫想。

贈別 二首

北寨兒令。秋水澄。晚霞明。綠荷半凋。君又行。雲淡山青。江濶潮平。偏助起別離情。還記得載酒船柳下。

會停寫懷詩。月底會評。倚西風斟別酒。扯羅袖問歸程。聽新鴈兩三聲。

詩旋吟。酒頻斟。黃葉亂飄。秋意深。遠水遙岑。衰草平林。好風景失知音。擁行窩。朱履瓊簪。伴吟身寶劍瑤琴。片帆辭帝里。匹馬度淮陰。砧敲碎故鄉心。

行舟五詠

詠跳

北滿庭芳。不寬不狹。踏波可愛。溜雨偏滑。扁舟穩繫漁磯下。來往憑他。滴楊柳堤邊露華。接芙蓉岸上晴沙。但躡着風波大。將心來緊把。半步也不宜差。



詠舵

前腔 滄浪遁跡。捨之不可用。處多奇。舟行須賴君。為最動轉。知機經惡浪。全無退悔。向中流。一任來回。勢抵着千鈞力。洪濤萬里。仗爾可扶危。

詠帆

前腔 隨風來往。倚雲高掛。帶雨斜張。紅塵半點難親。傍弄影空江。破彭蠡千尋曙光。卷西湖十里荷香。烟波上。三三兩兩笑殺碧油幢。

詠檣

前腔 規模不小。與蒲帆作主。錦纜為交。生平自有凌雲操。百尺孤高。趁來往西風晚潮。泊參差落日楓橋。自一種江湖樂。棟梁雖好。比我不堅牢。

詠櫓

前腔 常依小艇。驚飛野鳥。蕩散浮萍。幾回欸乃風初靜。霧渚莎汀。亂淮浦波心月明。碎潯陽江上潮聲。還記的當年聽。篷窗酒醒。感起故鄉情。

贈友

北滿庭芳 文林老儒。惜陰陶侃。賣賦相如。生平肯為功名慮。心廣眉舒。看山去頻隨杖屨。閉門時獨守琴書。幽栖處。壺漿自足。庭草不教除。



風情

北落梅風 更初靜。月漸低。繡房中老夫人方睡。戰  
篤速走到三四回。告多情犬兒休吠。

閨怨 三首

北落梅風 七斜病。陡峻愁。怕黃昏月明時候。喚梅  
香繡簾休上鈎。恐嫦娥笑人清瘦。

春將去。恨較多。罷金針倚窗閑坐。困將來眼皮兒恰  
待合。被黃鸝一聲啼破。

離愁大好。况無斷腸詞。幾回難賦。雨聲兒不知人夢  
孤。只管里打窗敲戶。

詠竹

北落梅風 凌霄漢。宿鳳凰。種將來與草堂相傍。月  
明一枝幽趣長。斜橫在碧紗窗上。

詠芭蕉

北落梅風 紗窗外。清思加。戰西風翠鸞舞罷。記美  
人畫中曾見他。兩株兒在太湖石下。

草堂

北落梅風 梅花帳。瑛竹鈎。兩般兒十分清秀。讀書  
人自來懷抱幽。其他的怎生消受。

寫興



北落梅風 粧些咯。撒會頑。走紅塵。委實不慣。醉睜  
開一雙天地眼。瞧破了利名公案。

詠背面美人

北落梅風 釵欹燕。鬢髯蟬。懶梳粧。淚湮嬌面。背立  
向小桃花樹邊。怕傷人等閑窺見。

客舟

北落梅風 踈林外。綠水涯。客船兒。看來不大。這船  
兒不裝人。共馬單載着幾挑書畫。

精訂梨雲寄傲終



